

**Kommunekaartumik pilersaarusionermi allanngutsaaliuisussaanermik
nakkutiginnittusaaq pillugu Namminersorerullutik Oqartussat nalunaarutaat nr. 31,
30.oktober 1991-imeersoq**

Nunaminertat atorneqarnerat pilersaarusionerlu pillugit Inatsisartut peqqussutaanni nr. 6-imi 19. december 1986-imeersumi, Inatsisartut peqqussutaatigut nr. 1-ikkut 18. juni 1987-imeersukkut allanngortinneqartumi, paragraf 3 malillugu aalajangersarneqarpoq:

§ 1. Nalunaarummi matumani maleruagassat malillugit kommunalbestyrelsep pisussaaffigaa peqataaffigissallugu kommunemi illoqarfinnik nunaqarfinillu pilersaarusionermi allaffissornikkullu aqutsinermi nuna tamakkerlugu allanngutsaaliuinissamik soqutigisat pingaartinneqarnissaat.

Imm. 2. Kommunalborgestrelsep pisussaaffigaa isumannaassallugu nuna tamakkerlugu eriaginninnissamik soqutigisat kommunemi pilersaarusionermut ilanngutissallugit, aamma kommimemi illoqarfimmi nunaqarfinilu nunani eriagisariaqartuni allanngutsaaliuisussaanermik suliaqarnerup pingaartinneqarnissaa.

§ 2. Immikkut eriagalugit allanngutsaaliortariaqartuni, tamakkununga ilaallutik illoqarfimmi illoqarfiup immikkoortortai oqaluttuarisaaneq piorsarsimassuserlu eqqarsaatigalugit eriagisariaqarnerpaajusut, illoqarfiit/nunaqarfiit pilersaarusioneranni atuinissamik pilersaarusionermi killissarititaasuni aalajangersakkat naammattumik assigiimmik paasineqarsinnaasut aalajangersarneqassapput, nuna tamakkerlugu allanngutsaaliuinissamik soqutigisat pingaartinneqarnerannik isumannaarisut.

Imm. 2. Allanngutsaaliugassat erseqqinnerusumik killilerneqarnerat siumoortumik kommunalborgestrelsemik isumaqatiginninniareernikkut Naalakkersuisunit aalajangerneqassaaq.

§ 3. Illoqarfimmi illoqarfiup ilaani allanngutsaaliugassat allat pillugit, taakkunimnga ilaallutik illuliat 1950-ikkunniit 1960-ikkut naalernerannut sananeqarsimasut, kommunemi pilersaarusionermi isummerfigineqassaaq qanoq annertutigisumik tamakku pigiinnarneqassanersut, taamaalilluni sananeqarsimasut immikkut ilusaat allanngortikkumanagu.

Imm. 2. Imm. 1-imi allanngutsaaliuiffissat taaneqarsimasut kommunemik isumaqatiginninniareernikkut Naalakkersuisunit erseqqinnerusumik aalajangiiffigineqassapput.

§ 4. Nunaqarfinni allanilu sanaartorfigineqarsimasuni illoqarfiit avataanniittuni allanngutsaaliugassaasunik kommunalborgestrelse nunap assiliortitsissaaq uppersaasiortitsillunilu. Allanngutsaaliugassaataasut tamakku kommunemi pilersaarusiap nassuiaatitaani allaaserineqassapput ilanngunneqarlutillu, Namminersorerullutik Oqartussat nalunaarutaanni nr. 25-mi 9. november 1987-imeersumi kommunit aamma immikkoortut pilersaarusionerqartarnerannut tunngasumi § 2, imm. 2, nr. 3 takuuk.

§ 5. Nalimaarut atuutilerpoq ulloq 15. november 1991.

§ 6. Tamatumunnga peqatigitillugu kommunekkaartumik pilersaarusiornermi allanngutsaaliuisussaanermik nakkutiginnittuussaaneq pillugu namminersornerullutik Oqartussat nalunaarutaat nr. 28 6. august 1991-imeersoq atorunnaarsinneqarpoq.

Namminersornerullutik Oqartussat ulloq 30. oktober 1991

Lars Emil Johansen

/

Emil Abelsen